

vitam æternam obtinendam. De quo amplius dicam lib. 2.

CAPUT XLII.

IN QUO RATIO ORDINIS PRIMI libri redditur, simulq; docetur, vitandam esse spirituales superbiam; ad hæc nulla vera & cœlestia dona absq; oratione posse obtineri.

I. Cor. 4. Quid habes, quod non accepisti? Si autem accepisti, quid gloriaris, quasi non acceperis?

PRiusquam huic libro finem imponam, facturum mihi operæ pretium videor, si lectorem meum de duobus capitibus admonebo. Primum est, quod per totum hunc librum Pœnitentiam cum suis fructibus, puta renovatione in Christo, mortificatione carnis, abnegatione sui ipsius, contemptu mundi, & exercitio charitatis, adeo diversimode & copiose descripsi; id sine causa & temerè à me factum non esse. Est enim in primis Pœnitentia exordium & fundamentum Christianismi, vitæ sanctæ & beatitudinis nostræ perfidem. Deinde vera solidaque consolatio in hominis animo cum effectu sentire non potest, qui non ante accuratè pecca-

Pœnitentia est initium Christianismi.